

**Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)**

i

**UNIVERZALNO d.o.o. Sarajevo, Hasana Brkića bb, ID broj: 4201699570001 koga zastupa direktor Ahmet Zahirović, (u daljem tekstu: Dobavljač)**

**Zaključili su:**

## **UGOVOR O NABAVCI MOBILNOG UREĐAJA**

### **Član 1.**

Predmet ovog ugovora je nabavka mobilnog uređaja (Samsung S21 + 8/128 dual SIM) za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu odluke broj: 02-11-4-7045/21 od 20.10.2021. godine.

### **Član 2.**

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj: 327/21SM od 20.10.2021. godine i na osnovu koje je i sačinjen ovaj ugovor.

Ponuda Dobavljača broj 327/21SM od 20.10.2021. godine je sastavni dio ovog ugovora.

### **Član 3.**

Ukupna vrijednost predmetne nabavke iznosi do 1.583,76 (jednahiljadapetstotinaosamdesettri i 76/100) KM bez PDV-a.

Cijena i ostali elementi ovog ugovora se ne mogu mijenjati.

### **Član 4.**

Dobavljač se obavezuje da će robu iz člana 1. ovog ugovora isporučiti odmah po uplati ukupne vrijednosti predmetne nabavke i prijemu narudžbenice.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime izvršene nabavke iz člana 1. i 2. ovog ugovora.

### **Član 5.**

Prilikom isporuke robe koja je predmet ovog ugovora, Dobavljač je dužan dostaviti otpremnicu za isporučenu robu (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). U zapisnik se unosi količina isporučene robe te evidentiraju mogući vidljivi nedostaci na istoj.

### **Član 6.**

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Dobavljač se obavezuje priznati reklamaciju na kvantitet i kvalitet isporučene robe, koja će biti praćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom kada u zapisniku o prijemu bude konstatovano "isporuka i prijem izvršeni bez primjedbi".

#### Član 7.

Za predmetnu nabavku Ugovorni organ je obavezan izvršiti plaćanje Avansa 100 % prije isporuke, na tekući račun Dobavljača broj 1610000096950153 otvoren kod Raiffeisen bank d.d. Sarajevo.

#### Član 8.

Ukoliko Ugovorni organ ocijeni da isporučena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

#### Član 9.

Garancija Dobavljača na isporučenu robu iznosi:

- 12 (dvanaest) mjeseci i počinje da teče od datuma isporuke.

Dobavljač se obavezuje da će poštovati sve garantne uslove, a u toku trajanja garantnog perioda. Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

#### Član 10.

Na sva pitanja koja nisu regulisana ovim ugovorom, primjenjivat će se odredbe Zakona o obligacionim odnosima.

#### Član 11.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

#### Član 12.


Ovaj ugovor je zaključen kada isti potpišu obje ugovorne strane i traje do uredne realizacije ugovorenih obaveza obje ugovornih strana.

#### Član 13.

Ovaj ugovor izraden je u četiri (4) istovjetna primjerka, od kojih po dva (2) zadržava svaka ugovorna strana.

**DOBAVLJAČ**  
**UNIVERZALNO d.o.o.**  
**Sarajevo**

**direktor**  
**Ahmet Zahirović**



**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

**POLICIJSKI KOMESAR**  
**Generalni inspektor policije**  
**Nusret Selimović**



Broj: BB  
Datum: 21.10.2021

Broj: 02-11-4-7045-3/21  
Datum: 21.10.2021. godine